

ԱՆԴՐԿՈՎԿԱՍԻ ԺՈՂՈՎՈՐԴՆԵՐԻ ՀԱՄԱԴՈՐՄԱՑՈՒԹՅՈՒՆԸ  
ԵՎ ԵՐԵՎԱՆԻ 1724 ԹՎԱԿԱՆԻ ՊԱՇՏՊԱՆՈՒԹՅՈՒՆԸ

Վ. Մ. ԽԱՐՏԻՐՈՍՅԱՆ

Երևանի 1724 թ. հերոսական պաշտպանությունը XVIII դարի 20-ական թթ. օսմանյան նվաճողների դեմ Անդրկովկասի ժողովուրդների մղած պայքարի ուշագրավ դրվագներից է: Թուրք զավթիչներին ցույց տված դիմադրության վերաբերյալ տեղեկություններ է հաղորդում Աբրահամ Երևանցին իր «Պատմություն պատերազմաց»-ում: Երևանի պաշտպանության մասին որոշ տվյալներ կան էաև հայկական<sup>1</sup> և թուրքական<sup>2</sup> աղբյուրներում, ինչպես և XVIII դարի 20-ական թթ. Կոստանդնուպոլսում ուսական ղեկավար Իվան Նեպլյուևի՝ իր կառավարությանը հղած զեկուցագրերում, որոնք պահվում են Ռուսաստանի արտաքին քաղաքականության արխիվի «Ռուսաստանի հարաբերությունները Թուրքիայի հետ» ֆոնդում<sup>3</sup>: Համադրելով այս աղբյուրներից քաջած տեղեկությունները Աբրահամ Երևանցու տվյալների հետ, տեսնում ենք, որ դրանք ընդլայնում են մեր պատկերացումները այդ կարևոր դեպքերի վերաբերյալ:

Պարսկաստանի տնտեսական և քաղաքական կյանքի ճգնաժամը, հայ և վրաց ժողովուրդների ազատագրական պայքարը սուլթանական Թուրքիայի ուշադրությունը բեռնեցին Պարսկաստանում և Անդրկովկասում ստեղծված իրադրության վրա. սուլթանական կառավարությունը որոնեց օգտվել այդ իրադրությունից՝ Անդրկովկասի և Պարսկաստանի վրա հարձակվելու համար: ինչը նպատակով Բարձրագույն Դուռը կապեր էր հաստատել Դաղստանի ֆեոդալներ Հաջի Դաուդի և Սուրխայ խանի հետ, որոնք իրենց հրոսակների ասպատակություններով թուլացում էին հայերի և վրացիների ուժերը:

Արդեն 1722 թ. աշնանը թուրքերը զորքեր են կենտրոնացնում Անդրկովկասի սահմանների մոտ: Այդ մասին ականատեսներից մեկը վկայում է. «Սեկտեմբեր Ը (8) ևկի Ղարս, տեսի՝ որ Ղարս սիաշեն թողման չէ ցորեն զընայ զղլբաշի երկիրն և մարթ էլ չեն թողման գնայ... Թունդ բանի վեբայ ան...»<sup>4</sup>: Նույն աղբյուրի վկայությունից երևում է, որ այդ ժամանակ մեծ քանակությամբ զենք, ռազմամթերք էր կուտակվում Կարինում:

Անդրկովկասը նվաճելու թուրքական մտադրությունը արևմտաեվրոպական տերությունների և առաջին հերթին Անգլիայի հավանությանն էր արժանանում: Անգլիան, ի դեմս Ռուսաստանի տեսնելով իր տնտեսական և քաղաքական մրցակցին, ոչ մի կերպ չէր ուզում թույլ տալ, որ Ռուսաստանի դիրքերն Անդրկովկասում ամրանան, հրահրում էր Թուրքիային՝ նվաճելու Անդրկովկասը, նրան խոստանալով նյութական և ռազմական անհրաժեշտ օգնություն: Կոստանդնուպոլսի անգլիական ղեկավարը ջանում էր հավատացնել թուրքական կառավարությանը, որ Ռուսաստանի դեմ պատերազմելու դեպքում Թուրքիան միայնակ չի մնա, և որ Հնդաստանի, Պրուսիայի, Անգլիայի ու Դանիայի թագավորները միմյանց միջև կնքել են Ռուսաստանի դեմ ուղղված հարձակողական դաշինք<sup>5</sup>: Անգլիական դիվանագիտությունը ներշնչում էր թուրքական կառավարությանը, որ եթե ուսները գրավեն Ադրբեջանը, Հայաստանի ու Վրաստանի՝ Պարսկաստանին ենթարկվող մասերը, «...ապա թուրքական հպատակները՝ հայերը և վրացիները (իմա՝ Արևմտյան Հայաստանի և Արևմտյան Վրաստանի ազգաբնակչությունը,—Վ. Մ.), իրենք կանցնեն ուսա-

<sup>1</sup> Տե՛ս ՀՍՍՐ Մատենադարան, Ձեռագիր N° 2121, 9648:

<sup>2</sup> Ա. Խ. Ս ա ֆ բ ա ս տ յ ա ն, Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին. հատ. Ա, Երևան, 1961:

<sup>3</sup> Архив внешней политики России, *այսուհետև՝* АВПР, ֆ. «Сношения России с Турцией», *այսուհետև՝* С17:

<sup>4</sup> Տե՛ս «Պետրոս դի Սարգիս Գիլանենցի ժամանակագրություն», «Կոունկ Հայոց աշխարհի», 1863, N° 3, էջ 193:

<sup>5</sup> Տե՛ս նույն տեղում, էջ 192—193:

<sup>6</sup> АВПР, ֆ. «Сношения России с Арменией», *այսուհետև՝* СРА, 1723, Գ. № 3, Խ. 63:

կան հպատակության ներքո, իսկ այնտեղից հեռու չէ նաև Տրապիզոնը. դրա հետեանքով ժամանակի ընթացքում թուրքական կալսրությունը ծայրահեղ քայքայման կենթարկվի»<sup>7</sup>:

1723 թ. գարնանը թուրքական բանակը ներխուժեց Վրաստան: Նույն թվականի հունիսին թուրքերը գրավեցին Քրիլիսին: Իրանից հետո նրանք մտադիր էին արագ շարժվել դեպի արևելք և նվաճել ողջ Անդրկովկասը: Թուրքական արշավանքը էլ ավելի վատացրեց հայերի և վրացիների վիճակը: Այժմ արդեն Անդրկովկասի ժողովուրդները պետք է պայքարեին ոչ միայն քաղաքական հոգևոր ապրող սեֆյանների ու լեզգի լեռնակսնների պարբերաբար կրկնվող ասպատակությունների, այլև թուրքական կանոնավոր բանակի թվով գերազանց ուժերի դեմ:

Ինական է, որ այս իրադրությունը պայմաններում դաշինք կնքվեց նախկին հակամարտ ուժերի՝ Վախթանգ VI-ի և նրա ախոյան Կախեթի թագավոր Կոստանդին II-ի (Մահմեդ Ղուլի Խանի), ինչպես և Ղալաբադի հալկական ողնախնայի ու Գանձակի աղբյուրաշենքիների միջև՝ ուղղված թուրքական արշավանքի դեմ: Հարկ է նշել, որ հակաթուրքական ուժերի համախմբումը և նրանց միջև համերաշխություն ստեղծելը համասլատասխանում էր նաև ռուսական կառավարության քաղաքականությանը Անդրկովկասում: 1724 թ. Անդրկովկաս է ուղարկվում Պետրոս I-ի պատվիրակ Իվան Կարապետը, հանձնարարություն ունենալով նպաստելու Անդրկովկասի ժողովուրդների միասնական հակաթուրքական ճակատ ստեղծելուն և դրանով իսկ կասեցնելու թուրքերի առաջխաղացումը դեպի արևելք և հյուսիս:

Աղբյուրներից պարզ երևում է, որ Անդրկովկասի ժողովուրդները միասնական ուժերով համառ պայքար են մղել թուրք նվաճողների դեմ: Ահա թե ինչ է գրում այդ մասին թուրք պատմիչ Զելեթի-Ջադեն. «Բռնված Կրզրաշ գերիների տված ցուցմունքներից պարզվեց, որ Երևանի ժողովուրդը Գեղիցի, Ենմա-Լի-Դիսլիից<sup>8</sup> և Մուհամմեդ-Կուլի խանից օգնություն են խնդրել, որ Մուհամմեդ-Կուլի խանը իր հավաքած լեզգի և վրացի զինվորներով կնտրոնացել է Ակշա-Կալայում (Իմա-Լոռիում — Վ. Մ.) և մտադիր է Երևանին օգնության գնալ»:

Այնուհետև նա հայտնում է, որ թուրքերին հաղթվում է ձեռք բերել Երևանից գեղեցիկներին և Մուհամմեդ-Կուլի խանին ուղղված նամակների, որոնք հաստատում են գերիների տված տեղեկությունները: Նույն պատմիչը, շարունակելով խոսել Կոստանդին II-ի գործունեության մասին, հաղորդում է, որ վերջինիս հպատակություն են հայտնել շատ էրիսթավներ, թավադներ և ազնավորներ և որ նա 10 հազարից ավելի սև վահանավոր (կարակալրան) մարդկանցով և էրիսթավներով Ակշա-Կալայում միացել է կզլուշ սիփահիների հետ և մտադիր է եղել Երևանին օգնության գնալ:

Վերը բերված քաղվածքը ուշագրավ է նրանով, որ նույնիսկ թուրք պատմիչը վկայում է թուրքական նվաճողների դեմ հայ և վրաց ժողովուրդների համառ պայքարի և միասնական դիմադրության մասին: Թուրքական աղբյուրի այդ վկայությունը հաստատող տեղեկություն կա Պետրոս I-ի Սարգիս Գիլանենցի օրագրում. «Չգոստոսի Բ-ումն (2-ին) ր (2) շամախեցի թուրք Թավրիզու շահիցն շափար արեկ Ըոնշտ՝ որ գնալ Թիմիջանա՝ վեղրին կուշտն: Էս ր (2) շափարն ասելան, թէ Վախտանկ խանըն և Կախեթու վալի Մամատ Ղուլի խանն խաշտիլ ան և միայտեղ Երևնց ասկարովն գնացել ան Յարևան»<sup>9</sup>:

1724 թ. թուրքական զորքերը հարձակում ձեռնարկեցին Երևանի ուղղությամբ: Թուրք պատմադիր Զելեթի-Ջադեն տալիս է հետևյալ տեղեկությունը. Երևանը գրավելու համար սերասքեր նշանակվեց Արիֆի-Ահմեդ փաշան՝ իր արամապրություն տակ ունենալով 1000 մարդ սիփահի և զինակիր (սիլահար), 27 հազար ենիչերի և սեբդեն կեշտի՝ զինվորներ, 2500 չերեչի, թրեղանոթածիգ և թնդանոթի կառապան, ընդամենը՝ 60 հազարից ավելի զինվորներ<sup>10</sup>: Թուրքական բանակի առաջապահ զորամասերը Յալդուս-Հասանի և Ղոշ-Ալիի հրամանատարությամբ մարտի բռնվեցին Երևանի խանի բանակի հետ Եղվարդ գյուղի մոտ: Թուրքական բանակին հաջողվեց փշրել խանի զորքերի դիմադրությունը և շարժվել դեպի Երևան:

<sup>7</sup> С. М. Соловьев, История России, т. 18, էջ 601:

<sup>8</sup> Առաջնորդը աղբյուրաշենքի և Քրիլիսի գեղախմբի, որ բնակվում էր այժմյան Շամշադինի շրջանում:

<sup>9</sup> Ա. ի. Սաֆրասոյան, Նշվ. աշխ., հատ. Ա, էջ 139—140: Տե՛ս նաև М. Z. Shaya, The Ottoman empire from 1720 to 1734, Urbana, 1944, էջ 100:

<sup>10</sup> «Կոռուկ Հայոց աշխարհի», № 2, էջ 93, նաև М. Z. Shaya, Նշվ. աշխ., էջ 100:

<sup>11</sup> Ա. ի. Սաֆրասոյան, Նշվ. աշխ., հատ. Ա, էջ 141—142:

Դեպի Երևան արշավող թուրքական բանակի կառավարած ավերածությունների և գերեվարությունների մասին աղբյուրները հաղորդում են սահմանեցուցիչ տեղեկություններ. «Եւ ի մրրկաւ մայ մառախլապատ ժամանակին, յուրում ոչ էին առնալ ղրերթն, ղայրացմամբ և բարկութեամբ զինուր և սուսերօք յարեան ի վերայ քաղաքին և ամենայն տանն Արարատու: Եւ ո՞ կարողասցի բաւել ղանշափութիւն աղէտիցն, ողորց և աղաղակացն,— և այնուհետև շարունակվում է,— ուստի սուր ի վերայ եղեալ անողորմարար առ հասարակ կոտորեցին զբնակիչսն երկրին այնմիկ, վարչապետք և քահանայք, սարկավագուք և եկեղեցականք, իշխանք և իշխեցեալք, մեծամեծ և փոքունք, անմեղք և մեղանշականք, հայք ու պարսիկք»<sup>12</sup>:

Հաղթանակ տանելով Եղվարդի մոտ, թուրքերն իրենց համար հանապարհ բացեցին դեպի Երևան և հույս ունեին առանց լուրջ դիմադրության գրավել քաղաքը: «Եւ յետ առնելոյն զՎիրս յարեան զայրացմամբ ի վերայ տանն Արարատու. ճակատ առ ճակատ պատերազմունս մղելով ընդդէմ հողաշէն և բարձրաբերձ ամրոցին և ղղեկին Երևանայ: Իսկ ազգն պարսից յօժարութեամբն յուրեանց ոչ ետուն զրերթն, այլ ընդդիմութեամբ մաքառեալ ամրացեալք ի ղղեկին ընդդէմ կացեալ աղգին հզօրաց և արանցն քաջասրտաց պատերազմս տալով ամիսս երկու աւելի կամ պակաս», — շարունակում է արդեն մեզ ծանոթ դեպքերին ականատես դպիր Հովակիմը:

Այսպիսով, թուրքական զորքերի դեմ Երևանում հայերի հետ միասին պայքարում էին նաև վրացիները:

Կրավելով Երևանի արվարձանները, թուրք զավթիչները ղաթան ղատաստան տեսան բնակչության հետ, 10 հազարից ավելի մարդ սրի բուշեյին, նույնքան էլ գերի վերցրին: Կողոպուտի ենթարկեցին բնակչության ունեցվածքը, հողին հավասարեցնելով նրանց տները<sup>13</sup>:

Ինչպես երևում է դպիր Հովակիմի վերը բերված վկայությունից, Երևանի ամրոցը դիմադրել է թուրքական բանակին մոտ երեք ամիս, իսկ քաղաքի արվարձանների հերոսական պաշտպանությունը, ըստ պատմիչ Արրահամ Երևանցու տվյալների՝ տևել է ապրիլից մինչև հունիս: Կովոդ հիմնական ուժը շրջակա գյուղերի և բուն Երևանի հայ ազգաբնակչությունն է եղել: Արխիվային վավերագրերը լրացուցիչ մանրամասնություններ են հաղորդում այդ իրադարձությունների մասին:

Ռուսական ղեսպան Իվան Նեպլյուևը, գտնվելով Կոստանդնուպոլսում և շփման մեջ լինելով թուրքական կառավարող շրջանների հետ, իր գեկուցագրերում հանգամանալից տեղեկություններ է հաղորդում ռուսական ուրբունիք՝ թուրքական բանակի ռազմական գործողությունների մասին: Այդ գեկուցագրերից երևում է, որ Երևանի պաշտպանությանը մասնակցել են նաև Կախեթի թագավոր Կոստանդին 11-ին և նթակա վրացական զինվորական ուժերը:

Երևանի բնակչության և ամրոցի կայազորի համառ դիմադրությունը հուսահատություն է առաջացնում թուրք զինվորների մեջ, նրանցից շատերը փախուստի են դիմում, թուրքական բանակում ծայր է առնում դասալքությունը, — ինչպես խոստովանում է մեզ արդեն ծանոթ թուրք պատմագիր Զելերի-Ջադեն: Սուլթանական կառավարությունը հարկադրված լրացուցիչ ուժեր է ուղարկում Երևանը պաշարող բանակին, Թավրիզ ուղարկվելու համար նախատեսված 3000 եգիպտական զինվորները, իրրև օժանդակ ուժ, շարժվում են դեպի Երևան<sup>14</sup>: Ի. Նեպլյուևը, 1724 թ. սեպտեմբերի 1-ին գրած իր գեկուցագրում խոսելով Անդրկովկասում գործող թուրքական բանակի ռազմական գործողությունների մասին, հաղորդում է, որ «Գանձակի գրավումը հետաձգված է մինչև Երևանի գրավումը, որովհետև Գանձակ ուղարկված զորքը հարկ եղավ ետ բերել՝ Երևանը գրավելու համար»<sup>15</sup>:

Երևանի հերոսական դիմադրությունը կասեցնում էր նաև Պարսկաստանում գործող թուրքական բանակի առաջընթացը: Այսպես, օրինակ, նույն գեկուցագրում Նեպլյուևը հաղորդում է, որ Արդուլահ փաշան հույը գրավելուց հետո չի շարժվել Թավրիզի վրա, քանի դեռ Երևանը չէր գրավվել: Նույն փաշան գրել է Բարձրագույն Դռանը, որ ինքը մտադիր է եղել միանալ սերասքեր Արիֆի-Ահմեդ փաշայի հետ Երևանի մոտ, որովհետև Արիֆի-Ահմեդ փաշան ի վիճակի չէ գրավել Երևանը, քանի որ Երևանում պարսիկները և հայերը, ինչպես նաև որոշ քանակի

<sup>12</sup> Մատենադարան, ձեռ. № 2121. էջ 368, տե՛ս նաև Hanwaj. „Zuverlässigen Beschreibung seiner Reisen von London durch Russland...“, հատ. I, էջ 150:

<sup>13</sup> Նույն տեղում, էջ 367:

<sup>14</sup> Ա. Խ. Ս ա ֆ Ր ա ս տ յ ա ն, նշվ. աշխ., հատ. Ա, էջ 143:

<sup>15</sup> Ա. Խ. Ս ա ֆ Ր ա ս տ յ ա ն, նշվ. աշխ., հատ. Ա, էջ 146:

<sup>16</sup> ABIP, ֆ. CPT, 1724, գ. 6. մ. II, թ. 443:

վրացիներ, ամենևին էլ չեն յանկանում թուրքերին հպատակվել և համառորեն պաշտպանվում են, իսկ թուրքերը թնդանոթներից քաղաքը չեն կարող վնասել, քանի որ բավարար քանակով արկեր չունեն, քաղաքը չեն կարող վերցնել նաև գրոհով, որովհետև քաղաքի կեսը շրջապատված է զառիթափ լեռներով, իսկ մյուս մասը՝ ջրով<sup>17</sup>։ Երևանը գրավելու համար թուրքերը Կոստանդնուպոլսից լրացուցիչ զորք և հրետանի են ստացել, ուղարկվել է նաև ռազմական ինժեներ իսպանացի Կորդոսը։ Ի. Նևայյուերը հաղորդում է նաև, որ Երևանի բերդը պաշտպանելու համար պարսիկների ուղարկած օգնական 10 հազարանոց զորախումբը թուրքերի կողմից ջախջախվել է Նախիջևանի մոտ, և, այդպիսով, Նախիջևանը գրավելուց հետո, Երևանի կապը Պարսկաստանի հետ կտրվել է<sup>18</sup>, հետևաբար պաշտպանության ամբողջ ծանրությունը ընկել է տեղի ազգաբնակչության և կայազորի վրա։

Նևայյուերի այս զեկուցագիրը ուշագրավ է ոչ միայն նրանով, որ տալիս է Երևանի մոտ տեղի ունեցած ռազմական գործողությունների նկարագրությունը, այլև առաջին հերթին նրանով, որ հետաքրքրական լրացումներ է մտցնում Արարհամ Երևանցու տվյալների մեջ. զեկուցագրի տրվյալները բերդի պաշտպանության մասին հաստատվում են նաև Հովակիմ դպրի հիշատակարանի վկայություններով։ Այդ լրացումներից ամենակարևորն այն է, որ Երևանի պաշտպանությունը ավելի երկար է տևել, և որ Երևանի պաշտպանությանը մասնակցել են ինչպես հայերը, այնպես էլ ադրբեջանցիներն ու վրացական զորքերը։

Այն հանգամանքը, որ Երևանի հերոսամարտերին մասնակցել են նաև վրացական ուժերը, հաստատվում է Պետրոս դի Սարգիս Երևանցի օրագրի տվյալներով, ուր ակնարկ կա այն մասին, թե Մահմեդ Ղուլի խանը զորքով գնացել է Երևանը պաշտպանելու<sup>19</sup>։ Այս առավել հասկանալի կլինի, եթե նկատի ունենանք, որ այդ ժամանակ Երևանի խանությունը ենթարկվում էր Մահմեդ Ղուլի խանին, որը Կախեթի թագավորն էր միաժամանակ, ուներ վրացական զորք և համառ պայքար էր մղում Անդրկովկաս ներխուժած թուրքական բանակի դեմ։ Հավանաբար Մահմեդ Ղուլին էր, որ Երևանի պաշտպանությունն ուժեղացնելու համար վրացական օժանդակ ուժեր էր ուղարկել։ Հենց այդ էլ նկատի ունի Ի. Նևայյուերը, երբ գրում է, որ Երևանում նաև վրացական զորք կա։

Իր մի այլ զեկուցագրում, խոսելով Երևանի մասին, Նևայյուերը հաղորդում է, որ Երևանը ղեկավարված չէ, բնակիչները կատաղորեն պաշտպանվում են, թուրքերին շատ վնաս են հասցրել, դրա համար էլ թուրքերը այնտեղ լրացուցիչ զորք և հրետանի են ուղարկում<sup>20</sup>։ 1724 թ. սեպտեմբերի 25-ի զեկուցագրից տեղեկանում ենք, որ «այն զորքերը, որոնք ուղարկված էին Կանձակ, նաև Եգիպտոսից ուղարկված 3000-ոց զորախումբը, բոլորը կենտրոնացված են Երևանի մոտ, և այժմ այնտեղ գտնվում են 30.000 զինվորական և նույն քանակի էլ անկանոն զորք, պաշարել են այդ քաղաքը և ճանապարհ են հարթում գրոհի համար ու ամեն օր մարդ են ուղարկում քաղաք անձնատուր լինելու առաջարկով, որին քաղաքից պատասխանում են, որ կարող էին նրանք թուրքերին հանձնվել, սակայն լավ գիտեն թուրքերին, որ իրենց պիտի գերեն և բարբարոսաբար վարվեն իրենց հետ, դրա համար էլ ավելի բարվոք են համարում մինչև վերջին մարդը կովելով մեռնել, քան գերի դառնալ, և ասում են,—շարունակում է Ի. Նևայյուերը,—որ քաղաքում զինվորական մարդկանց թիվը ընդամենը 5000 է, իսկ Բարձրագույն Դուռը միշտ հրովարտակներով պահանջում է, որքան հնարավոր է գրոհով շուտ գրավեն քաղաքը, և հուսով են, որ շուտով այդ քաղաքը իբևեց ձեռքում կլինի»<sup>21</sup>։

1724 թ. հոկտեմբերի 10-ի զեկուցագրից երևում է, որ Երևանի բերդի կայազորը, թվով 5000 մարդ, հարկադրված բանակցությունների մեջ է մտնում թուրքական բանակի հրամանատարության հետ։ Երևանի բերդը հանձնելու մասին, և թուրքական կողմից իրենց անձի ու գույքի անձեռնմխելիության երաշխիք ստանալով՝ սեպտեմբերի 22-ին քաղաքը հանձնում է թուրքերին։ Այդ մասին Հովակիմ դպիրը գրում է. «Բայց յետոյ նքտեալ ի սովու ետուն զամբոցն իւրեանց ազգին իսմայելեան և հնազանդեցան նոցա, քանզի անտիրացեալք էին և ոչ ոք էր որ հասանէր ի թիկունս կոյս առ ի օգնել և կամ ազատել զնոսա ի ձեռաց օտար թշնամեադ»<sup>22</sup>։

<sup>17</sup> АВПР, նույն տեղում, թ. 445։

<sup>18</sup> АВПР, նույն տեղում, թ. 445։

<sup>19</sup> «Կոունկ Հայոց աշխարհի», № 2, էջ 93, 1863։

<sup>20</sup> АВПР, նույն տեղում, թ. 440։

<sup>21</sup> АВПР, 1724, գ. 6, մ. 2-րդ, թթ. 457—457ա։

<sup>22</sup> Մատենադարան, ձեռ. № 2121, էջ 367։

Երևանի գրավման լուրը Կոստանդնուպոլիս է հասնում հոկտեմբերի 8-ին, իսկ հաջորդ օրը թուրքական կառավարությունը պաշտոնապես այդ իրադարձությանը իրազեկ է դարձնում բոլոր ռտարերկրյա դեսպաններին, այդ թվում նաև Իվան Նեպլյուխին։ Թե ինչպիսի կարևորություն էր տալիս Երևանի գրավմանը սուլթանական կառավարությունը, երևում է նաև նրանից, որ այդ կապակցությամբ Կոստանդնուպոլսում տոնակատարություններ են տեղի ունենում։ «Տոնակատարությունը Կ. Պոլսում բաղկացած էր հրավառություններից, լուսավորություններից և ֆրանսիական երկու ռազմանավից տրված 126 հրետանային համազարկից»<sup>23</sup>։ Նույն Չելեբի-Չաղեի ասելով Երևանի գրավման կապակցությամբ կազմակերպված տոնակատարությունը տևել է 10 օր, որին նախորդել է մեծ և փառավոր ընդունելություն սուլթանական պալատում։ Այս փաստը պերճախոս վկայում է այն մասին, թե ինչպիսի մեծ կարևորություն էին տալիս Երևանի գրավմանը սուլթանական արքունիքում։

Այսպիսով, արխիվային նյութերը նոր լույս են սփռում 1724 թ. հերոսամարտերի պատմության վրա, լրացնում և ճշգրտում են Արրահամ Երևանցու տվյալները։

Այդ նյութերը նախ և առաջ վկայում են, որ Երևանը թուրքական բանակը գրավել է ոչ թե 1724 թ. հունիսի 7-ին, ինչպես հաղորդում է մեզ Արրահամ Երևանցին, այլ ավելի ուշ, նույն թվականի սեպտեմբերի 22-ին, հետևաբար տեղի ազգաբնակչության ու բերդի կայազորի դիմադրությունը թուրքական բանակին տևել է մինչև աշուն։

Երկրորդ. Երևանի հերոսական պաշտպանությանը մասնակցել են հայերը, ադրբեջանցիները և վրացիները։ Վերջիններս որպես զինվորականներ ենթարկվում էին Մահմեդ Ղուլի խանին, որն էլ գլխավորում էր թուրքական բանակին դիմադրություն ցույց տալու գործը ինչպես լոռիում, այնպես էլ Երևանում։

Երրորդ. Երևանը հայկական Սղեախների՝ Գանձակի և Ջանգեզուրի հետ միասին այն լուրջ դիմադրության օջախներից էր, որոնք վիժեցրին թուրքական բանակի նախնական ծրագիրը՝ գրավել Կասպիականի ափերը. դրանով իսկ Երևանի հերոսական պաշտպանությունը ակնհայտ օգնություն էր նաև ռուսական զորքերին, որոնք առանց ուժեղ հակառակորդի հետ բախվելու կարողացան գրավել Կասպիականի ափերը։

<sup>23</sup> М. З. Шах, *нзվ. աշխ.*, էջ 120։